

## ԼԱՎ ՍԿԻԶԲ ՈՒ ԼԱՎ ԱՎԱՐՏ ՈՒՆԵՑԵՔ

Նախքան քարոզի հիմնական տեքստին անցնելը, ես կցանկանայի մի փոքր բացահայտել այս պատմության անձերի և միմյանց հետ նրանց խնամի հարաբերությունների մասին: Գոթողիան Իսրայելի Աքաաթ թագավորի և Յեզաբել թագուհու դուստրն էր, և նա ամուսնացավ Յուդայի թագավոր Յովսափատի ավագ որդու՝ Յովրամի հետ: Եղիան Յեուին Իսրայելի թագավոր է օծվում մեկ նպատակով որպեսզի բնաջնջի ամբողջ Աքաաթի ընտանիքը: Եվ հենց այդպես էլ նախատեսվածի պես եղավ: Յեուին կատարեց իր առջեւ դրված առաջադրանքը, սպանեց նաև Գոթողիայի ավագ որդուն՝ Օթոզիային: Օթոզիայի մայրը՝ Գոթողիան (Աքաաթի ու Յեզաբելի աղջիկը, Յովսափատի հարսը), երբ տեսավ, իր որդիու մահը, վեր կացավ և ոչնչացրեց Յուդայի տան ամբողջ թագավորական սերունդը, բացի մեկից... Յովսափց:

Բ Մնաց. 22:11-12 – Սակայն թագավորի դուստր Յոսաբեբեն թագավորի որդիների սպանվելու ժամանակ նրանց միջից գողացավ տարավ Օթոզիայի որդի **Յովսափին** և նրան իր դայակի հետ դրեց անկողինների սենյակում: Եվ այսպես Յովրամ թագավորի դուստր Յոսաբեբեն՝ Յովսափա քահանայի կինը, որովհետև նա Օթոզիայի քույրն էր, թաքցրեց նրան Գոթողիայից, նա էլ չսպանեց նրան: Յովսափը վեց տարի Աստծու տանը թաքնված մնաց նրանց հետ, և Գոթողիան էր թագավորում երկրում:

### ՍՈՒՐԲԳՐԱՅԻՆ ՀԱՏՎԱԾ. Բ ՄՆԱՑՈՐԴԱՑ 24:1-23

1 Յովսափը յոթ տարեկան էր, երբ թագավոր դարձավ, և քառասուն տարի թագավորեց Երուսաղեմում: Նրա մոր անունն էր Սաբիա Բերսաբեբեցի: 2 Յովսափա քահանայի բոլոր օրերին Յովսափն ուղիղ գործեց Տիրոջ առաջ: 3 Յովսափան նրա համար երկու կին առավ, որոնցից նա տղաներ և աղջիկներ ունեցավ: 4 Դրանից հետո Յովսափ սիրտն ուզեց Տիրոջ տունը նորոգել: 5 Նա հավաքեց քահանաներին ու ղևտացիներին և ասաց նրանց. Ելեք գնացե՛ք Յուդայի երկրի քաղաքները և ամբողջ Իսրայելից տարեցտարի փո՛ղ հավաքե՛ք ձեր Աստծու տունը նորոգելու համար: Եվ շուտ արեք այդ գործը: Սակայն ղևտացիները շուտ չարեցին: 6 Թագավորը կանչեց Յովսափա քահանայապետին և ասաց նրան. Ինչո՞ւ ղևտացիներից չես պահանջում, որ Յուդայից ու Երուսաղեմից բերեն Տիրոջ ծառա Մովսեսի և Իսրայելի ժողովականների դրած տուրքը վկայության խորանի համար, 7 որովհետև անօրեն Գոթողիան և նրա որդիները բռնությամբ մտել էին Աստծու տունը և Տիրոջ տան բոլոր նվերները գործածել Բահաղի համար:

### I. ՎԵՐԱԿԱՆԳՆԵԼ ԵՐԿՐՊԱԳՈՒԹՅՈՒՆԸ՝ ԴԱ ԼԱՎ ՍԿԻԶԲ Է:

2 Յովսափա քահանայի բոլոր օրերին Յովսափն ուղիղ գործեց Տիրոջ առաջ:

Մենք կարիք ունենք ուրիշների, որոնք կօգնեն մեզ ապրել քրիստոնեական կյանքով: Վտանգավոր է, երբ մենք չունենք հոգևոր խորհրդատուներ կամ եղբայրներ կամ քույրեր, որպեսզի ծշմարտությունն ու քաջալերանքը խոսեն մեր կյանքում:

4 Դրանից հետո Յովսափ սիրտն ուզեց Տիրոջ տունը նորոգել:

- **2024 թվականը հայտարարում եմ վերականգնման տարի.**

8 Թագավորը հրամայեց, և մի արկղ պատրաստեցին ու դրեցին Տիրոջ տան դռանը՝ դրսում: 9 Մունետիկ կանչել տվեցին Յուդայում և Երուսաղեմում, որ բերեն Աստծու ծառա Մովսեսի՝ Իսրայելի վրա անապատում դրած տուրքը Տիրոջ համար: 10 Բոլոր իշխաններն ու ամբողջ ժողովուրդը ուրախացան, և բերում ու գցում էին արկղի մեջ, մինչև որ այն լցվեց:

- **Երկրպագությունը ուրախության առատություն է բերում մեր կյանք:**
- **Ճշմարիտ երկրպագությունը փոխում է մեր կյանքի տեսակետը:**

12 Թագավորն ու Յովիադան այդ փողը տալիս էին Տիրոջ տան ծառայության գործն անողներին, որոնք քարհատներ և հյուսներ էին վարձում Տիրոջ տունը նորոգելու համար, ինչպես նաև երկաթագործներին ու պղնձագործներին՝ Տիրոջ տունն ամրացնելու համար:

- **Այս պատմությունը լավ սկիզբ ունեցավ, բայց վատ ավարտ: Աղոթքս այն է, որ տարին լավ սկսենք և լավ ավարտենք:**

## II. ՏԻՐՈՋԻՑ ԶՐԱԺԱՐԿԵԼԸ՝ (ԼՔԵԼԸ) ՇԱՏ ՎԱՏ ԱՎԱՐՏ Է:

- **Այո՛, Աստված խոստացել է, որ «Ես երբեք չեմ թողնի քեզ և չեմ լքի քեզ» (Եբր. 13:5): Եվ հարցն այն է, թե արդյոք մենք կթողնե՞ք Տիրոջը կյանքի հանգամանքների պատճառով:**

17 Յովիադայի մահից հետո Յուդայի իշխանները եկան ու խոնարհվեցին թագավորի առաջ, և թագավորը լսեց նրանց: 18 Նրանք լքեցին իրենց հայրերի Տեր Աստծու տունը և ծառայեցին աստարովյաններին ու կուռքերին, և նրանց այս հանցանքի համար Յուդայի և Երուսաղեմի վրա Տիրոջ բարկությունն իջավ:

- **Երկրորդ Մնացորդաց 24.19-ում ասվում է, որ Աստված մարգարեներ ուղարկեց, որպեսզի վերադարձնեն [Յովիասին և մյուսներին] նրա մոտ:**

20 Աստծու Յոզիան եկավ Յովիադա քահանայի որդի Զաքարիայի վրա, և նա, կանգնելով ժողովրդի առաջ մի բարձր տեղ, ասաց նրանց. Այսպես է ասում Աստված. “Ինչո՞ւ եք զանց անում Տիրոջ պատվիրանները. դուք հաջողություն չեք ունենա, որովհետև լքել եք Տիրոջը, և նա էլ ձեզ լքեց”:

21 Նրանք հարձակվեցին նրա վրա և թագավորի հրամանով քարկոծեցին նրան Տիրոջ տան սրահում: 22 Յովաս թագավորը չհիշեց այն բարեգթությունը, որ ունեցել էր իր հանդեպ Զաքարիայի հայր Յովիադան, և սպանեց նրա որդուն: Մեռնելիս նա ասաց. «Տերը թող տեսնի և պահանջի»:

Բ Մնաց. 24:23-25 – Յաջորդ տարի նրա դեմ դուրս եկավ ասորիների զորքը, եկան Յուդայի ու Երուսաղեմի վրա, ժողովրդի միջից կոտորեցին ժողովրդի բոլոր իշխաններին և նրանց ամբողջ ավարն ուղարկեցին Դամասկոս՝ թագավորին: Թեև ասորիների զորքերը եկան քիչ մարդկանցով, բայց Տերը չափազանց շատ զորք մատնեց նրանց ձեռքը, **որովհետև լքել էին իրենց հայրերի Տեր Աստծուն**: Եվ այսպես Յովասի դատաստանն արեցին: Երբ նրանք գնացին այնտեղից՝ Յովասին ծանր վիրավորված թողնելով, **նրա դեմ դավաճանություն արեցին նրա ծառաները**՝ Յովիադա քահանայի որդիների արյան համար, և սպանեցին նրան իր անկողնում, և նա մեռավ: Նրան թաղեցին Դավթի քաղաքում, բայց չթաղեցին թագավորների դամբարանում:

### III. ԱՅՍՕՐ՝ ԱՅՍ ՏԱՐԵՎԵՐՋԻ ՕՐԸ, ՄԵՆՔ ՈՐՈՇՈՒՄ ՈՒՆԵՆՔ ԿԱՅԱՑՆԵԼՈՒ:

Եբր. 3:7 - Դրա համար Սուրբ Հոգին այսպես է ասում. Այսօր եթե նրա ձայնը լսեք, ձեր սրտերը մի՛ կարծրացրեք...

Եբր. 3:15 - Քանի որ ասվում է. «Այսօր եթե նրա ձայնը լսեք, ձեր սրտերը մի՛ կարծրացրեք, ինչպես դառնության օրերին» (Սաղ. 95.7-8):

Եբր. 4:7 - Աստված նրանց դարձյալ մի օր է սահմանում՝ «Այսօրը». երկար ժամանակ հետո Դավթի միջոցով ասվեց. «Այսօր եթե նրա ձայնը լսեք, ձեր սրտերը մի՛ կարծրացրեք» (Սաղ. 95.7-8):

### ԻՆՉ Է ՍՈՒՐԲ ՀՈԳԻՆ ԱՍՈՒՄ ԻՆՉ ԱՅՍ ՊԱՏԳԱՄԻ ՄԻՋՈՑՈՎ: